



Tor Tønsberg

Kontakt saksbehandlar

Einar Heegaard, 51568872

Løyve til innsamling av sopp i Vedvika Naturreservat i Vindafjord

Statsforvaltaren gir med dette Tor Tønsberg dispensasjon, jf. naturmangfaldlova § 48, jf. verneforskrifta for Vedvika naturreservat § § 1 og § 3 andre ledd bokstav a, til å samle inn materiale av *Hypotrachyna aff. tayloriensis* i Vedvika naturreservat i Vindafjord kommune. Løyve blir gitt for eit enkeltbelegg som skal gi grunnlag for eit eksikat i dei vitskapelege samlingane til Universitetet i Bergen, Herbariet i Bergen (BG). Materiale skal gi DNA analyse slik at affinitet til individet kan stadfestast. Løyve er gjeldande fram til 31. desember 2021.

Vilkår:

1. Dispensasjonen gjelder berre for Tor Tønsberg og kan ikkje overdragast til andre.
2. Det kan berre samlast materiale til ein innsamling.
3. Berre ein mindre del av eit thallus kan samlast.
4. Innsamlinga må skje skånsamt for både individet og substratet.
5. Resten av individet må stå att på treet.
6. Løyve gjelder til 31.12.2021.
7. Tilbakemelding på gjennomført tiltak gis til Statsforvaltaren i Rogaland.

Det søkast om å fjerne eit mindre materiale av sopp-arten *Hypotrachyna aff. tayloriensis*, ein art som veks på tre i Vedvika naturreservat. Det er einaste kjente lokaliteten av denne arten i Fennoskandia. Individets taksonomiske tilhøyrande er ikkje avklart, og eldre belegg ved herbariet i Bergen var ikkje av tilstrekkeleg kvalitet for DNA-sekvensering. Tor Tønsberg ber om å få hente tilstrekkeleg materiale for eit eksikat ved BG og til DNA-analyse.

Heimelsgrunnlag:

Vedvika naturreservat (VV00003506) blei verna som naturreservat ved Kongeleg Resolusjon 21-06-2019, med det føremål å ta vare på regnskogsareal og særskilt epifyttar karakteristiske for slike område, jf. § 1 i forskrift om vern av Vedvika naturreservat. I reglane for Vedvika naturreservat kjem det fram at det er eit forbod mot å fjerne planter og sopp inkludert lav, jf. § 3 andre ledd bokstav a).

I generelle unnatak frå vernereglane, jf. § 4, eller i spesifiserte dispensasjonsreglar, jf. § 7, er det ikkje spesifikk heimel for å gi dispensasjon frå vernereglane til å fjerne plantemateriale frå verneområdet til omsøkt føremål.



Søknad om dispensasjon må derfor handsamast etter § 48 i naturmangfaldlova. Vilkår for dispensasjon etter § 48 er at omsøkt tiltak ikkje strir mot føremålet med vernet og ikkje påverkar verneverdiane nemneverdig. Begge vilkåra må oppfyllest for å kunne dispensera.

Vurdering:

Statsforvaltaren i Rogaland skal vurdere omsøkt tiltak etter prinsipp om offentlege vedtak, § § 8 – 12, jf. § 7 i NML.

Som kunnskapsgrunnlag, jf. § 8 NML, viser me til forarbeid for vernevedtak for Vedvika naturreservat, og tilgjengeleg informasjon i offentlege relevante kartportalar, naturbase, Artsdatabanken, og publikasjon om individet (Johnsen & Tønsberg, 2016, Fjordkrinslav *Hypotrachyna aff. tayloriensis*, en for Norge og Fennoskandia ny bladlav, Blyttia 74: 252-255). Me reknar kunnskapsgrunnlaget som godt. Føre-vare-prinsippet, § 9 NML blir såleis ikkje gjort gjeldande i saka.

Tiltaket vil medføre eit ubetydeleg inngrep, både i høve førekomsten av den aktuelle arten og den samla belastning på miljø- eller naturtilhøva i verneområdet, jf. § 10.

Tiltakshavar er økonomisk ansvarleg for eventuelle skader tiltaket måtte påføre naturmangfaldet utover det som er omsøkt og ligg innafor denne dispensasjonen, jf. § 11 i NML. Me reknar ikkje med miljøskade knytt til saka.

For å unngå unødvendige skadar på naturmangfald og ivareta føremålet med Vedvika naturreservat er det naudsynt å sette strenge vilkår (jf. Vedtak) til miljøforsvarlege teknikkar og driftsmetodar, jf. § 12 i NML.

For å sikre at berre ein liten bit av fjordkrinslav blir samla er det viktig at innsamlar har tilstrekkeleg kjennskap til arten at det blir gjenkjent i felt. Dispensasjonen gjeld berre for Tor Tønsberg.

Det er berre lov til å samle ein mindre bit frå eit individ. Resterande del av individet skal henge att på treet. Innsamlinga må skje skånsamt både for treet og for fjordkrinslaven.

Konklusjon:

Vedvika naturreservat har som føremål å ta særskilt vare Epifyttiske vekstar knytt til regnskoghabitat. Fjordkrinslav er ein av artane som er grunnlaget for føremålet. Å kontrollert fjerne ein mindre thallus-bit frå eit individ vil ikkje stri mot føremålet med vernet, og det vil ikkje påverke verneverdiane nemneverdig. Da både kriteria i § 48 NML er oppfylt gir Statsforvaltaren dispensasjon frå vernereglane for tiltaket.

Statsforvaltaren i Rogaland ber om tilbakemelding på tiltaket, dvs. koordinat for treet, og ein kort omtale av tilstanden til treet og fjordkrinslav. Tilbakemelding sendast per e-post til sakshandsamar.

Med helsing

Per Kristian Austbø
Ass. Fylkesmiljøvernssjef

Einar Heegaard
seniorrådgjevar

Dokumentet er elektronisk godkjent